

北洋官報

本報今日加印照片一頁

目錄

宮門抄
交旨

奏議○郵傳部奏議選道員條陳摺△學部奏建京師圖書館摺△東督錫奏建築諮議局摺
公牘○督憲札三件△警務處詳一件△議事會申一件
文告四則△電報五則△新聞十八則
彙編○南洋勸業會出品分類細目
詔書○杭州文瀾書院御碑亭第一圖

宮門抄

八月初二日 農工商部 郵傳部 正藍旗值日 那王等由

賞廢生謝 恩 新授河南遺缺知府萬本端謝 恩 崇勳請假十日 召見軍機 那王 澤公

萬本端 洵貝勒等外務部軍諮處各遞封奏一件 郵傳部遞封奏二件

本日已刻在

養心殿覲見法國署理使臣頭等叅贊潘葆納 遠東艦隊水師提督伯林 叅謀長中佐普那德 叅軍大尉舒

萬 三等叅贊貝雅爾 漢文副使魏武達

交旨

八月初二日 軍機大臣欽奉

諭旨載洵等奏現修 崇陵工程情形一摺知道了欽此

諭旨郵傳部奏收還扣留路款贖還南票辦礦合同一摺又奏前往張家口履勘鐵路情形一片均知道了欽此

諭旨郵傳部奏覆陳華商擬辦蒙古汽車未便議准一摺著依議欽此

奏議錄要

郵傳部奏議覆道員張光照條陳交通事宜摺

奏爲遵 旨議奏恭摺仰祈

聖鑒事本年四月二十五日軍機大臣欽奉

諭旨都察院代奏河南試用

道張光照條陳交通事宜呈一件著郵傳部議奏欽此欽遵由軍機處片交到部原呈分郵電路船四大綱凡三十二目一郵政原呈內稱宜改管理之權一節查郵政爲臣部職掌從前歸稅司代辦本屬權宜之計疊經與稅務處商議接收以期統一事權藉符名實又稱宜用歸併之法以郵政合於電報一節查郵電合一東西各國辦法相同原以郵電兩事俱屬通信合爲一局不獨用費可省抑且傳遞較靈應俟接收後察度情形通盤籌畫期臻盡善又稱宜入郵政同盟會一節查郵會同盟必機關完備彼此相需方能享同等之利益臣部對於此事深爲注意前經派員於赴瑞典時便道考求現在提議接收一俟規模成立即當首先議及以期實行其郵便儲金一節內稱交通銀行與政體不合宜併大清銀行等語查度支部奏定釐訂各種銀行則例明定大清銀行爲中央銀行交通銀行爲殖業銀行權限極爲明晰泰西商業繁盛銀行林立譬如植木必須枝葉扶疏方足衛其根本是以殖業銀行愈夥則中央銀行愈形便利現在創辦伊始惟慮規模簡陋決無相妨至郵便儲金與中央殖業各銀行又自不同臣部正擬籌議試辦亦與交通銀行並行不悖呈中語多牽混蓋未諳東西各國規制與度支部奏定則例之故二電政原呈內稱官電宜歸部辦電費不必再減材料設廠自製工程嚴除浮冒學堂亟宜推廣各節臣部或已奏陳有案或已明定章程均請毋庸置議其請裁電政局一節查日本通信省設有通信局復設有通信各官署所以爲行政綱紐中國報局二百四十餘處勢難事事與部直接其重要命令由部司之其奉命而分布一切各事由局任之且各報局所需各種材料非在水陸交通口岸調度則轉運益形繁費電政一局礙難議裁所稱推廣電綫一節查臣部自收贖商電後兩年之中擴充綫路四千里近年東三省收回外人佔用綫路三千餘里又添設約七千里若

照九年預備奏案逐年分辦則數年以後全國可冀交通若同時並舉一時實無此財力又稱推廣電話不得免費電話電報宜歸一局兼理等語查電話本無免費名目惟商辦時有報効官署之稱今改歸官辦又因換用新機所費頗鉅以後無論官商均當一律收費至電話電報合併一節兩項機器本自不同各處收發報事繁簡又各互異其分枝小局有可合併之理而總局斷難兼顧現在話局甫經創辦應俟推廣時體察情形分別辦理又稱各部省不得濫用官電一節查官電章程凡蓋用紫花印信者按照一等半價核收各衙門出差人員及大清銀行等處往往援案辦理嗣經臣部核定出差各員直寄部電方准按照半價其與各處來往則照一等作四等例排發紅十字會及賑務報費均核實列支作為善捐此外善舉名目概行停止實已綜核加嚴又稱學生薪水宜歸一律及停止保獎一節查學生派赴邊苦省分暨各衙門當差例有加五加二薪水前已札飭電局酌量裁減至保獎係由各部省自行奏請辦理其報生程度較淺者與他項專門學業不同無由學生徑保部曹及府州縣之事至閱歷較深之報生已分別提升各局委員如實在得力仍擬調部差遣以昭鼓勵三路政原呈購地條內稱應分勘地發價為兩事並由局發給委員三聯單等語核與各路辦法大致相符應毋庸議購料條內稱由總工程師訂購由分工程師指索及中國所有者不必購自外洋等語查各路材料由總工程師妥商總辦籌備從無停工待料之虞至借款官辦各路合同多聲明該路需用材料須先儘中國工廠承辦本未嘗專用洋料又工程條內稱工頭由局招募繙譯由局酌派等語查各路包工俱先招人投標本不盡由工程師擇用包工合同亦由局妥定格式兼備華洋文以免欺朦繙譯人等本由局派至所稱工程師不得過問工價一節工程師有管理之責考究價值驗收工程其事本相銜接西國視為工程司分內之責勢難強離為二又客票條內稱令買票者悉納大洋找以小洋每銀圓按十角計算等語查光緒三十三年八月臣部議覆御史葉菑整頓路弊摺內聲明通用小銀圓數在四角以下者一律收用各路通行章程亦定為四角以下收零角四角以上收整圓其畸零之多在運貨價內客票價值多係整角並無零分惟當與時消息未便任意增減若如所陳未免困商又運貨條內稱裁去零裝叢裝名目一律按十成收費等語查叢裝貨雖比零裝稍輕並非概收八折若一律改收十成恐於攬運有礙欲計路利盈虧在於運貨之多不在運價之重客票且有來回減價與夫論月之例矧以大宗貨物常川運輸未可漫無等差致商買受虧裹足至運貨

用三聯單各路久已遵行現復定章先報捐後運貨車站必查對捐局副單數目相符方准附運亦不致有偷漏之患又舊料條內稱更換道板剔換舊料應一併出售等語查臣部於光緒三十三年頒發各路整頓路政條款已飭分別變價歸公歷經各局造報有案向無侵蝕廢棄情事又薪水條內稱督辦以下優絀懸殊請歸平允一節查督辦鐵路大臣所用總辦提調均係自行奏派與部無涉責有輕重事有繁簡薪水多寡自亦不能強同又軌道條內稱吾國路軌均寬英尺六尺四寸而正太一路獨狹等語查已辦各路均遵商部奏定章程兩軌距離寬英尺四尺八寸半從無寬至英尺六尺四寸者正太路因山路險阻估價過昂光緒二十九年經外務部奏准改用窄軌現全路告竣收款甚少入不敷出礙難拆改其所用材料查無購用日本舊料之事殆係傳聞之訛又借款條內稱借款造路宜分兩事等語查從前借款各路工程司權限已列合同自難翻約去年臣部借款籌贖京漢一路合同內並未提出京漢二字外人縱欲干預無從藉口比之近訂合同較為嚴密四船政原呈內稱招商局宜改歸商辦一節查招商局原為官督商辦實係船政附庸本不能視為船政全體自奉 旨歸臣部管轄業經分別咨行欽遵嗣據各股東稟請援案組織董事會復經批飭遵照商律妥擬章程一俟呈報即當詳細核議又稱開平公司宜設法收回一節查開平輪船附設於開平礦務局本係專運煤助與臣部應轄航業性質不同未便議收致貽口實又稱宜提倡商民設立公司並補助資本一節查推廣航業必先造就管理駕駛等項人材而後可收實效若但於發明航業者予以利益設立公司者給以優獎而一切重要職位尚須借材異國仍難扼要臣部現於所轄學堂內議設船政專門似比空言提倡較有把握至所言酌提餘利捐款與補助資本兩端頗形矛盾論航船與郵政互益宜有補助之經而不盡關於資本論公司係商業性質但有提倡之義而不必計及輸將航路廣闊商貨流通利用厚生自有無形之利租稅暗增猶其餘事何必斤斤於餘利捐款自窒生機他如明定保護規條裁冗員節糜費各節臣部均已分別籌議船政一事關係遠大現在力雖未逮猶當努力籌維遠矚高瞻必期有當斯義一俟計畫安定再行奏明辦理所有臣部遵 旨議奏緣由理合繕摺具陳伏乞

皇上聖鑒訓示謹 奏宣統元年七月十一日奉 旨知道了欽此

學部奏籌建京師圖書館摺

奏爲籌建京師圖書館擬懇

天恩賞給熱河文津閣所藏四庫全書並

飭下奉宸苑內務府撥與淨業湖

暨匯通祠各地方以便興建而廣文治恭摺仰祈

聖鑒事伏查本年閏二月臣部奏陳預備立憲分年籌備事

宜本年應行籌備者有在京師開設圖書館一條奏蒙

允准欽遵在案自應即時修建館舍搜求圖書俾承學

之士得以觀覽惟是圖書館爲學術之淵藪京師尤繫天下觀聽規模必求闕遠蒐羅必極精詳庶足以供多士之

研究昭同文之

盛治我國家稽古右文遠邁前代

聖祖仁皇帝

世宗憲皇帝臨雍講學特頒

圖籍藏之成均

高宗純皇帝開四庫之館著萃載籍建閣儲藏著錄之數綜十六萬八千冊又於熱河及鎮

江揚州杭州等處並建藏書之閣

頒給四庫全書各一分士子就閣讀書得以傳寫所以嘉惠藝林厥後

學者至周至渥嗣後東南三閣悉燬於兵私家藏書往往流播海外近年各省疆臣間有創建圖書館購求遺帙以

供衆覽者江甯省城經調任督臣端方首創盛舉不惜巨款購置杭州丁氏八千卷樓藏書存儲其中卷帙旣爲宏

富其中尤多善本並購得湖州姚氏揚州徐氏藏書數千卷運寄京師以供學部儲藏並允仍向外省廣爲勸導搜

采茲者京師創建圖書館實爲全國儒林冠冕尤當旁搜博采以保國粹而惠士林無如近來經籍散佚徵取良難

部款支絀搜求不易且士子近時風尙率趨捷徑罕重國文於是編籍善本多爲海外重價鈞致捆載以去若再不

設法蒐羅寶存數年之後中國將求一刊本經史子集而不可得馴至道喪文敝患氣潛滋此則臣等所惴惴汲汲

日夜憂懼而必思所以挽救之者也竊查 中祿之書 內府 陪都而外惟熱河

文津閣所藏尙未遺失近年

曾經熱河正總管世綱副總管英麟查點一次與

避暑山莊各殿座陳設書籍一併

查明開單具奏在案擬

懇 聖恩俯准將 文津閣四庫全書並

避暑山莊各殿座陳設書籍一併

賞交臣部祇領敬謹建

館存儲庶使嗜奇好學之士得窺石室金匱之藏實於興學育才大有裨助至建設圖書館地址必須近水遠市方

無意外之虞前經臣等於內地地面相度勘尋惟德勝門內之淨業湖與湖之南北一帶水木清曠適隔囂塵以之

修建圖書館最爲相宜允足以昭穩慎擬於湖之中央分建四樓以藏四庫全書及宋元精槧另在湖之南北岸就

匯通祠地方並另購民房添築書庫二所收儲官私刻本海外圖書勿庸建造樓房以節經費其士人閱書之室館

員辦事之處亦審度地勢同時興修查淨業湖匯通祠兩處向歸 奉宸苑暨內務府經理擬懇

天恩飭下奉

宸苑暨內務府將淨業湖匯通祠各地址移交臣部以便剋期興築該處水面頗寬並擬督飭該館會商 奉宸苑隨時疏濬以期上無礙於水源下不慮其淤塞並祈 飭下熱河都統將臣部所請書籍檢齊齎送到館以備尊

藏至各省官局刻本卽由臣部行文咨取藉供蒐討至圖書館開辦以後如有報効書籍及經費者擬請援照乾隆時進書之鮑廷博光緒時進書之廣東高康道陸心源獎勵成案由臣部視其書之等差及款數之多寡分別請獎以示鼓勵如蒙 俞允卽由臣部咨行各該衙門暨各省督撫遵照辦理並督飭該館監督提調等迅速籌辦冀

得早日觀成將見琳瑯美富蔚爲大觀上以贊 聖朝宗文之化下以饗士林求學之心竊謂裨益於全國教育者良非淺鮮似亦維持世道人心之一大端也所有籌建京師圖書館緣由理合恭摺具陳伏乞

皇上聖鑒訓示謹 奏宣統元年七月二十五日奉 旨已錄

東三省總督錫良奏建築奉天諮議局摺

奏爲建築奉天全省諮議局恭摺仰祈 聖鑒事竊查接管卷內奉省籌辦諮議局並遵章籌指諮議局經費等

情疊經前督臣徐世昌先後奏陳在案至建築諮議局一節亦於臚列第一年期成績摺內聲明俟解凍卽可興工旋准憲政編查館電開各省諮議局議事廳無論新設改造均應略仿各國議院規模以求適用等因當經前任督

臣徐世昌督飭該處人員趕速籌備嗣據繪圖貼說開具詳晰清單計需實銀六萬兩由前任督臣徐世昌覆核屬實飭令度支司將該款迅速籌撥作正開銷查此項經費例應奏咨立案除將局圖及估定建築經費詳細清單分

別咨送憲政編查館暨度支部外所有建築奉天省諮議局緣由謹恭摺具陳伏乞 皇上聖鑒謹 奏宣統元年七月二十六日奉 硃批該衙門知道欽此

公牘錄要

督憲端准南洋大臣來電購糧平糶事札飭海關道驗照放行文

爲札飭事准 南洋大臣江蘇撫院江北提台電開海州三屬被水成災揚州府屬之興化等縣亦遭水患民食缺

乏由甯借銀六十萬兩以三十萬派員赴奉天一帶購運雜糧濟海屬之民以三十萬派員赴蕪湖一帶購運米穀濟揚屬之民均由甯藩司給照又兩淮運司借撥公款銀二萬兩發交揚郡紳商赴蕪購米回揚由淮運司給照均

爲平糶之用經駁等電奏請免稅釐奉 旨著照所請等因欽此祈通飭沿途關釐各卡遇有前項平糶糧米過境驗照放行爲禱等因到本大臣准此除電覆外合行札飭札到即便驗照放行

督憲端准川督咨委趙道鶴齡調查學務警務鐵路札飭京奉京張鐵路局查照文

爲札飭事宜統元年六月二十七日准 四川總督部堂趙咨開照得四川學務警務鐵路諸要政均待振興亟應考察藉資參證茲查有候補道趙鶴齡堪以派往貴省悉心考察除札仰該道遵照外相應咨明爲此合咨貴大臣查照施行等因到本大臣准此除分行外合行札飭札到該局即便查照俟該道到局仰即妥爲接洽指導俾資參考此札

督憲端據孫道多森稟請在南洋勸業會建築別館咨請南洋大臣查照文

爲咨明事據孫道多森稟稱竊五月間接南洋勸業會電詢直隸出品協會是否建築別館當經稟明前署督憲那由職道派員前往調查稟報再行酌辦茲據該員報告四川福建等省已定期建築等因職道伏念直隸爲各省領袖他省既有別館直隸似難獨缺且此會爲中國之創舉外賓參觀者必多館舍似宜稍加宏敞以壯觀瞻查會章建築之期以本年九月爲限時期甚迫倘蒙憲台俯允建築職道遵即迅飭委員前往詳勘地址繪具圖說核實估計工價數目呈請憲台鑒核所有稟請在南洋勸業會建築別館緣由是否有當伏乞批示祇遵等情到本大臣據此除批據稟現據該協會派赴江甯調查員報告四川福建等省已定期在南洋勸業會建築別館直隸自應一律辦理以爲儲置物品所仰即迅飭委員前往該會詳勘地址繪具圖說核實估計稟候核奪並咨 南洋大臣查照抄由批發等因印發外相應咨明 貴大臣請煩查照

警務處詳核議文安縣區長邢蔭齋等請給功牌一案文並批

爲遵飭詳覆事本年六月三十日蒙 憲台批據文安縣錢令詳報正北二區區長邢蔭齋等辦理警務出力并請賞發獎札緣由蒙批據詳已悉仰警務處核議具覆詳抄發此繳等因蒙此遵查文安縣區長邢蔭齋等辦理警務既據該縣詳稱於緝捕一道勞瘁不辭洵屬辦事認真似不無微勞足錄應請將該區區長邢蔭齋程星錦等二員各給六品功牌以示鼓勵所有遵飭核議文安縣區長辦事出力應請獎勵緣由理合詳覆 憲台察核爲此備由具

呈伏乞 照詳施行

督憲端 批據詳已悉所有文安縣辦理警務出力之區長邢蔭齋穆星錦等二名均准給予六品功牌以示鼓勵
茲將功牌隨批印發仰即飭縣轉給祇領此繳

天津縣議事會申直隸賑撫局文

爲申請事案據麗家嘴、上蒲口、下蒲口、辛莊等村村正張立保、孫鴻鈞、張泰路、興利等到議事會投遞說帖內稱爲陳明災况懇代求急撫事等村莊東沿運河西距鳳河又西北爲永定河自光緒十九年永定河隄大決水勢洶湧穿鳳入運由身等村西漫野而過直至達子辛莊村南沖作河渠遂變成永定河之下口以致身村地畝十八九年無歲不被水患今春幸水稍落附近高地爭思播種麥麻等禾冀獲收成藉資小補不料凌汛麥黃汛伏汛相繼早來田禾又皆飄沒即搶護一二亦異常減收反多一層籽種人工債累更覺難堪曾於六月初間將被災苦情稟求縣尊查撫在案理應靜候奈當此時秋成失望小民謀食已屬維艱胸息秋過冬來啼飢號寒其慘苦尤不敢設想若專候冬撫恐朝不謀夕轉於溝壑者必日見加多身等忝司村事不忍坐視因不揣冒瀆謹將村民災况據實陳明公懇代求賑撫局憲急賜賑撫以拯災黎實爲德便等情謹查各處報災歷蒙憲局賑撫在案此次龐家嘴等村所陳災况自屬待賑孔殷我憲台屢念民瘼尤必力圖拯救至當如何賑撫之處惟祈派員察閱災况酌施惠濟以恤窮黎所有代陳龐家嘴等村災况據情請賑緣由理合備文申請賑撫局憲迅賜施行實爲恩便須至申者

文告錄要

督憲批示錄要○運司詳河間緝私分局李承焜因病辭差改委候補知縣胡令裕芳接辦由 批如詳派委仰即

飭遵此繳○大名鎮稟拏獲竊犯李歪子送交邢台縣訊辦由 批據稟該軍右營弁兵拏獲竊犯李歪子一名

既經解交邢台縣收審候飭按察司札行該縣提犯嚴訊明確據實錄供擬議詳辦稟內又稱此次破獲趙德順一名由營移縣收審是否即係李歪子一人二名仰或另有其人仰即查明報核一面飭緝逸犯務獲解究并移行車警務處一體盤查防範以免疏虞餘如所擬辦理繳

藩台牌示○爲嚴行禁止曉諭事照得本司衙門一切公事向來各有專責不准互相攬越由來已久茲查值堂房

書役于宗伯近來頗不循規守法辦公竟敢干預詞訟即以清河縣拔貢崔椿鶴等稟控戶書陳殿杰等數案均係該書役混行遞投實屬膽大妄爲不安本分殊堪痛恨除將該書役斥革外合先牌示嚴禁爲此示仰轄下值堂房書役等一體遵照自示之後該書役等倘敢故蹈前轍私相受授情事一經查出定必懲辦本司言出法隨決不寬貸勿謂言之不預也各宜懷遵毋違此示

直隸警務處批示○清河縣警務畢業生吳一成稟請派差一案 批稟悉候有相當差缺再行酌派此批

天津縣議事會議覆公告○河北大街四村高中元等說帖爲預防後患事 議覆說帖閱悉所陳各節既非地方

自治所關礙難核議此覆○趙王氏說帖爲請示遵事 議覆說帖閱悉此案已交董事會調查俟覆到後核議

此覆○馬家口衆地戶代表王聘三等說帖爲法人佔據民產事 議覆說帖閱悉本會已奉 督憲批示交關

道及蔡委員向法領事商辦應即靜候可也此覆○地方民人王少平等說帖爲規復當商舊制事 議覆說帖

閱悉候查商務總會此案全卷再爲核議此覆○宜興埠村人王慶昌說帖爲該村學校辦理失宜事 議覆說

帖閱悉候交董事會照章轉請勸學所切實調查整頓此覆○方褚氏說帖爲懇請核議以收公產事 議覆說

帖閱悉候函詢董事會覆到核議此覆○李汝樓說帖爲仍請提議事 議覆說帖閱悉查原說帖所陳皆關民

事爭議本會仍碍難核議此覆

電報錄要

路透電○德國陸軍此次舉行大操共陸軍十二萬人戰馬二千九百零十四大砲五百四十尊爲向來未有之盛舉并於大操時有飛艇一艘配置無線電機偵探軍情尤壯觀瞻

又電○傳聞英國自由協會解散之風說

又電○英國陸軍大尉斯克德氏定於明年西八月率領探險隊赴南極探險

柏林電○德國亨利親王并飛艇家塞普林伯爵因爲研究乘坐飛艇窺探兩極并改良飛艇形式等問題特組織

飛艇研究會該會擬按照科學直接辦理建造飛艇之事

又電○美首相兼外部大臣宣布公函勸告美國赴柏林賽會之工商人等須在該會表出美商有完全拔萃之舉

動以保美商之名譽

新政紀聞

政治

通設憲政研究所○樞府因現在 學部設立憲政研究所由各部員研習憲政深合 朝廷籌備憲政之本意擬通飭各部院參照學部章程一律設立以資研習而期完善云

議事會通知開會日期○天津縣議事會通知各議員書云敬啓者此次臨時會所有議案業經議竣自應閉會擬自七月二十七日起每逢星期六日下午三鐘開會仍乞我同仁屆期蒞會同襄公益至星期三日議長副議長照章到會查閱案卷亦請諸議員一併惠臨爲禱此佈

關於統計之照會○奉天營口廳朱司馬於上月十六日照會駐營各國領事略謂敵國 政務處頒發章程在本埠設立統計處預籌地方自治之基礎凡貴國旅居僑民所有人口資財產業以及軍險警察等項亦應列表統計以備查攷應請貴領事查覆云云刻聞各領事已經照准預備專文移覆矣

澈究胥吏浮收病民○浙江紹興府屬上虞縣吏胥浮收錢糧抑勒洋價小民受累不堪業經該邑士紳王耀彩等通稟層憲環請澈究等情當奉顏方伯批札該府以徵收錢糧久有定價洋元折算照市爲衡豈容書吏抑勒浮收重爲民累若如所稟該縣書吏於規定平餘之外設立名目浮收至一百一十文之多並有洋價短折舊糧加價情事玩法病民殊堪痛恨惟事既多年何以地方紳民先無一人稟控亦殊不解是否言之過甚控情較重仰紹興府按照所稟各節委員確切調查據實通稟察奪毋稍徇延辜碑並發

學務

攻試經科大學計畫○近日投攷分科大學之各生紛紛赴 學部報名聽候定期攷試現聞擬俟八月間舉行攷

試游學畢業生於九月初間即行先攷經科大學今冬尙擬開學云

譯學館牌示試期○京師譯學館監督牌示略謂接到 學部文稱云此次乙級生畢業考試刻已定准由七月二十九日起至八月初五日止考試應考諸生屆期衣冠赴部聽候分門試驗勿誤云

內城自治研究所開學○京師內城巡警總廳所設之東西城地方自治研究所均於七月二十五日行開學禮是日廳丞僉事暨各廳員區長等皆齊集其兩處所到之紳董約各在百人左右此京師地方自治之起點也將來自治事務之必有進步於此可見茲將開學秩序列舉如左 一振鈴入座 二所長宣佈開學詞 三廳丞演說 四僉事演說 五廳員演說 六教員演說 七振鈴散座

勸學所議辦展覽會○京師勸學所每年春間舉行各小學堂成績品展覽會一次以鼓勵學業之進升今歲以該所暫假某學堂久未擇定地址以致未能開辦現經督學局局長提議若爲無寬闊地址舉辦遽行停止不但因噎廢食且不足攷查各學之進步現已擬定九月初旬借湖廣會館實行舉辦云

財政

札委財政局科員○江督張安帥以清理財政爲現今要政而甯屬清理財政局時值發軔之際千頭萬緒勢如亂絲原委科員尙有應接不暇之勢特在日前又添委夏慶揚羅慎修爲該局科員以資襄助而重要政云

官銀號裁提款項○江西各州縣批解藩庫正雜各款有隨解銀爐火耗銀兩皆係官銀號經收每年除鎔銀爐火各用外所餘不資因是號中一切薪水火食雜用皆於此中開支現方伯以銀爐餘款乃自然之利自本年起悉數提解司庫不能以他用在此中開銷又每年營運餘利提二成分紅自藩司以至號夥皆以次照分此次方伯節省經費條款中已詳以本司應得紅利悉數歸公以下諸人亦一律辦理經奉撫院批准照行矣

民事

核議青苗費爭案○天津縣議事會函致石君長泰等云啓者茲因宜興埠與徐家莊因青苗互相爭執一案應約兩造到會以便根究確情公同核議務於本月二十七日下午三鐘蒞會是爲至禱此佈

函知馬路佔用民房事○天津縣議事會致函工程局云敬啓者案查侯家后拆修馬路佔用民房一節前經去秋交董事會調查完竣嗣於九月二十日召集各房主百般開導所有董事會調查清冊及各人民到會姓名并將是日該房主到會情形業由敝會函陳一切繕具清摺彙呈台鑒如蒙查閱已畢仍希賜繳以便敝會存案

函催民房發價事○天津縣議事會致函工程總局云敬啓者前因民人王恩元陳述房間被拆未蒙發價特請將

原委示知一節諒邀洞鑒理應靜候示覆何敢瑣瀆惟迄今已逾半月未蒙鈞諭該民人屢次來會詢問礙難答覆祇得據情函請作速查明詳細示知以備秉公評議爲此再懇貴局迅覆施行

實業

札催興辦農林工藝○浙江勸業道通飭各屬催辦農工札文略云查農林要政一案曾於六月間奉撫憲准部咨

催辦業經本道札飭該府轉飭各屬將所管地方官民各荒並氣候土宜限兩月內詳細繪圖造冊申報在案至

工藝一項該府所屬各州縣境內有無設立工藝局廠及工業研究會工藝傳習所並紳商籌集資本興辦農林

工藝各項公司均應按照部頒工藝調查表式隨時填報案關農工商部奏定籌辦之件幸勿視爲具文希該

府立即轉飭各屬將農工兩項要政一體欽遵迅速辦理毋任違延

定期開會調查出品○江西物產總會事務所前經勸業道傳觀察春官稟奉督撫憲核准設立現聞傳觀察商同

本所職員定期七月十七日假商務總會邀請各業董事到會分給各項章程表格商議調查出品事宜並本會

進行方法以便籌備一切

醴陵磁業之特色○湖南醴陵縣湖南磁業公司前由沈坐辦在江西景鎮購辦御窰所用質料回醴因南洋勸業

會開會在即亟須預備賽品遂將新購質料攙和配用現已裝燒出窰其光彩精潔較之御窰出品無少差異誠

實業界中之特色云

路礦

擬改訂商辦鐵路章程○郵傳部各堂日前提議振興全國路政事宜因官款支絀商款難集非另籌變通辦法不

足以底於成擬請將商辦鐵路章程大加改訂擴充紳權厚集民力則商款必易籌集

浙商稟辦錫礦情形○浙省前有職商湯孝吉等擬在杭屬昌化縣錫礦遵章繪具圖說環請查員測勘立案等情

具稟勸業道當奉董觀察批謂探礦產爲開闢利源起見如果悉合定章自應照准該職商等請勘昌化縣屬之

東山坪錫礦並據呈送清摺山圖議據等件均經閱悉惟既組織合資有限公司即應遵照公司律由集資各人訂立合同共資遵守且查議據山主允租之地共計一畝則稟勘範圍亦應在此一畝之內即使將來開辦地須擴充此時不得預以十方里爲辦礦之界仰即更正另稟並將甘結保單一併呈候核辦可也

第三百四類 接木灌溉芟夷貯藏等移植遮覆之器具及方法

第十七部 林業

第一門林業之經營

第三百五類 森林測量測潮等方法及製案(如喬林矮中林保安林等之製案)

第三百六類 造林及森林保護之方法及器具

第三百七類 林產製造森林用之方法及器具

第三百八類 竹林之佈置及保護等方法

第二門林產品

第三百九類 建築土木等工事之原料

第三百十類 器具機械等之原料

第三百十一類 工業用原料

第三百十二類 薪炭原料

第三百十三類 藥品原料

第三百十四類 烹調補助品原料

第三門林業器具

第三百十五類 林產製造器具

第三百十六類 森林採伐器具

第三百十七類 樹木測量器具

第十八部 狩獵

第一門狩獵製品

第三百十八類 裘

第三百十九類 革

第三百二十類 骨角牙

第三百二十一類 羽毛

第二門狩獲品

第三百二十二類 陸上動物

第三百二十三類 水中動物

第三百二十四類 兩棲動物

第三門狩獵器械

第三百二十五類 弓矢銃

第三百二十六類 彈藥

第三百二十七類 網索

第四門獵裝

第三百二十八類 衣服

第三百二十九類 靴鞋

第三百三十類 獵囊及他種附屬品

第十九部 水產


第一門漁業

第三百三十一類 漁輪漁船及其附屬品

第三百三十二類 漁具海獸獵器具及漁撈方法

第三百三十三類 餌物及蓄養方法器具

第三百三十四類 捕鯨及漁獸獵之方法



圖一第亭碑御院書瀾文州杭

藥到回春

頭痛虛弱而獲全愈漢口某君深感韋廉士大醫生紅色補丸之功效洪君珙如浙之寧波人也年二十有四歲今在漢口華寶公司營生本局代表人嘗至其處得聆其自述之詞如左云○余曩歲曾患血薄氣虧身衰體弱等症計閱數月之久因身體如此軟弱幾至不能行走少一動作便覺乏力又兼頭痛如劈骨瘦似柴面容憔悴毫無血色彼時適在上海永大錢莊為業身居要職責無旁貸奈因衰弱之故常致未能盡職屢欲告假臥輒數日雖延名醫診治並服中外各藥迄無效驗正在困苦失望之時幸遇申友勸服韋廉士大醫生紅色補丸余即從而服之數瓶以後便覺少愈其奏功之神速有令余

漢口洪君珙如玉照



大醫生紅色補丸余即從而服之數瓶以後便覺少愈其奏功之神速有令余不得不耐心再服者余甚樂告知自得此丸之後莫不旋服旋愈真有藥到春回之樂焉無何頭痛頓止面容豐滿氣色光艷身壯力健無異舊時每日辦公雖至煩劇不覺其勞此皆韋廉士大醫生紅色補丸之功也其有益於余身者豈淺鮮哉○韋廉士大醫生紅色補丸能使洪君珙如身體復原有力者乃與以鮮紅稠濃之新血以補其全身也是丸常以此力經過血中屢治一切肝經各病 胃不消化 頭痛頭暈 山林瘴氣 風溼骨痛 腎熱痠痛 諸虛百損 腦筋衰弱 少年虧喪 陽萎不舉 左癱右換 腳氣衝心 瘡疥疔毒 皮膚各症 發熱病後 紅白痢疾 感胃風寒等症又治少壯婦女月信失調以及他種諸症百發百中天下馳名誠為婦科之聖藥凡男子因吸鴉片或因他故操勞過度居處不潔以致身體受損者一服是丸奏效如神韋廉士大醫生紅色補丸絕無嗎啡鴉片以及有害雜質在內是以男女老幼皆可服之虞無也 中國各處商店藥局凡經售西藥之處均有代售或直向上海九江路B字第八號 韋廉士大醫生藥局總發行處購買亦可 價銀每六瓶英洋八元每一瓶英洋一元五角遠近郵費一律不取

京奉鐵路總局廣告

本局現奉 郵傳部札開本部統轄全國路政所在需員鐵路管理人才尤為缺乏非亟宏造就不足以重路政而策羣才現京師設立鐵路管理傳習所以專造就鐵路人才為宗旨三年畢業後分派各處練習遞升要職等因奉此本局現定於八月十七日考試所有報名各生自八月初一日起投赴本局報名填冊至初八日截止屆時從嚴甄錄不限額數以及格為准考各生限九月初間一齊到京所有招考章程十四條及三年功課表列後仰投考諸生一律遵照特佈

郵傳部鐵路管理傳習所招生章程十四條

京奉鐵路局啟

上海九江路B字第八號韋廉士大醫生藥局啟

一須身家清白年紀在十八歲以上二十五歲以下
 注重三英文譯漢四漢文譯英五口授英文講義筆錄六普通與地七學算以上者二英文論說最
 八代數至雙位法或德文三年畢業一報名考試在英京取具同鄉官印結在外取具殷實鋪戶蓋戳
 用英文教授兼習法文或德文無疾病者一入堂時各覓保人填注保結本生自具志願書一通存案方准入堂
 取學生由官醫細驗身體強壯無疾者一入堂時各覓保人填注保結本生自具志願書一通存案方准入堂
 取學生如程度較優足以逕入第二年級者准其呈請考試第一級各科學於報名時聲明試如及格即作為
 第二級學生惟人數須在四十名以上方能開班一法文學生曾習表內功課或習法文有普通程度者亦准
 報考該學生自理一入堂後不收學費所有筆墨紙張及一切雜用品均由堂備客棧暫住供給飯食一月以後
 概由該生繳價領用一入堂後不收學費所有筆墨紙張及一切雜用品均由堂備客棧暫住供給飯食一月以後
 堂備辦該生繳價領用一入堂後不收學費所有筆墨紙張及一切雜用品均由堂備客棧暫住供給飯食一月以後
 各埠考取各生呈具保單志願書後按名給與船票車票來京其餘零費概不發給一入堂後考試成績最優者
 酌給書籍彙器等獎品以示鼓勵

第一年 前期 後期
 代數 物理 化學 理財
 代數 物理 化學 理財

第二年 前期 後期
 平面幾何 立體幾何
 力學 力學
 鐵路理財 鐵路理財
 石工學 石工學
 行車管理 車務管理

第三年 前期 後期
 平面三角 平面三角
 鐵路轉運經濟 鐵路轉運經濟
 機車概要 機車概要
 電機概要 汽機概要
 平面測量 平面測量
 材料物力學 材料物力學
 英文 英文
 工廠管理 工廠管理

中國地理 中國地理
 英文 英文
 國文 國文
 繪圖 繪圖
 法文 法文

再啓者此次報名各生務備相片一張注明年貌籍貫並三代於後無論錄取與否相片概不發還特告京奉局啟

再啓者此次報名各生務備相片一張注明年貌籍貫並三代於後無論錄取與否相片概不發還特告京奉局啟

再啓者此次報名各生務備相片一張注明年貌籍貫並三代於後無論錄取與否相片概不發還特告京奉局啟

再啓者此次報名各生務備相片一張注明年貌籍貫並三代於後無論錄取與否相片概不發還特告京奉局啟

商務印書館出版各書上海總發行所

中外政法要書

嚴又陵先生譯著

欽定大清會典及事例 十冊 一元二角

大清光緒新法令 十冊 一元二角

漢譯日本法規大全 八十冊 廿五元

漢譯日本六法全書 八冊 一元五角

警察講義 錄 十四冊 五元

各種彩色地圖 四冊 一元

大清帝國全圖 一冊 二元

議員必讀

憲政大綱 三冊 一元二角

各省諮議局章程 四冊 一元二角

各省諮議局章程要義 二冊 一元二角

各省諮議局章程須知 三冊 一元二角

諮議局章程表解 三冊 一元二角

城鎮鄉地方自治章程 三冊 一元二角

地方自治章程要義 三冊 一元二角

日本議會法規 三冊 一元二角

日本議會必讀 三冊 一元二角

十六國議院典例 三冊 一元二角

日本憲法研究 三冊 一元二角

各種雜誌

教育雜誌 每月一冊 每冊一角

東方雜誌 每月一冊 每冊一角

外交報 每月一冊 每冊一角

日本憲法研究 三冊 一元二角

分館發售

天津一分館開設河北大胡同電話五百二十六號

北洋官報 第二千一百九十四冊 告白

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋客等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管研子土等項無論躉零交易均可本公司總理處設在天津海大道英租界並在北北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

得利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指留耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啟

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡統蟒洋貨布疋各色喇啞厚呢京廣什貨俱全貨價廉劃一不二後廳內專售線貨織絨袍料衣包被套口袋線線毛毯等貨均照行價發兌中外 紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 鑲化屏風鏡額 磁銅料器磁藍 奇巧美術玩器 學界文房用品 旋行携帶等件 精工製身物料 定織各色履氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

本局告白刊例

登一日者每字取洋五釐 三日四釐 七日三釐 十五日二釐 一月二釐 半年二釐 長年一釐 以上均按四號字起碼加寬行數照所佔面積計算 登錄商標刻工另議 三號字加半倍 二號字加一倍

天津銀號廣告

本銀號代辦直隸公債所有本年宣統元年二月初一日四月初一日六月初一日第四年第一第二第三三期應付本利銀兩即係原訂光緒三十五年限期業經照數分付廣登廣告在案茲值本月初四日第四年第一期滿給還本利之期凡天津暨各府廳州縣各票主請查照章程第七條持票至原借各府廳州縣及各籌款分局核取本利銀兩且期滿之票並可任便抵納地丁錢糧鹽課關稅及各項稅捐已詳請督憲照奏准章程通飭各屬不准留難需索務即持票兌取現銀毋得自誤再如有以前到期未經支取各票本利銀兩亦可至原借各處驗票續發特此佈告

工商演說廣告

啓者八月初三日晚八鐘至十一鐘仍在東馬路宣講所內演說工商各項要理並請何子琴先生演說機器論馬力之理由李子鶴先生演說商業競爭宋則久先生演說南洋勸業會與工商之關係務希各工商屆時惠臨入聽不取分文特此佈告 天津勸工陳列所謹啓

天津商務總會代收甘肅賑款昨匯公碯化寶銀五千兩移解賑撫局轉解災區散放矣

天津救急善會具

北洋法政學堂專門學堂招考中學學生廣告

本堂擬添設中學班遵照學部中學堂分科章程專設文科一類為法政專門之豫備畢業後直接升入本堂正科不得轉學他處茲定於九月初一日招考先期自七月二十日開始報名至八月二十五日截止凡有志諸生查照左列各要件屆期來堂報名為幸 課程 (照中學堂文科課程辦理惟外國語一科以日語為主英語為輔) 獎勵 (畢業後照中學堂章程請獎正科畢業後照高等學堂章程請獎) 宿舍 (概由學堂豫備) 年齡 (十五歲以上二十二歲以下) 年限 (照中學堂章程五年畢業升入正科後三年畢業) 學膳宿費 (每月共六圓) 入學資格 (中文通順曾在高等小學堂肄業一年以上者)

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會竊碾伯及各土司又先後報災邊地高寒水泉素乏童山彌望生植不饒一遇早乾即成凶禮現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃糧價日增麥已漲至每石三十六兩稻草已漲至每斤二十七八文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷曾撥帑金六萬散諸災區勢難偏給非再有巨款接濟何能救此哀鴻夫天災流行國家代有救災恤患義不容辭況甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起助賑會無非出於愛國愛民之苦心同人復敢為甘民請命敬懇 仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恒裕金店
天津獅子林北洋官報總局

恤隣廣告

敬告者現值兩湖吉林各省被水成災居民田廬牲畜冲沒殆盡其情慘不忍聞亟應勸辦義賑以資協濟如蒙諸大善長慨捐賑款請送至北馬路商務總會掣取收據以便彙解災區散放拯救災黎不勝盼切之至此佈

天津救急善會具